

**Meeqqanik pinerliisimanginnermut
uppernarsaatinik piumasaqaateqartussaataaneq
pillugu Inatsisartut inatsisaata allanngortinnera
pillugu Inatsisartut inatsisaat
(Ukioqatigiiaanik illersorneqartunik
annertunerulersitsineq, paasissutissanik
aallertussaannermik pisussaaffimmik
annertunerulersitsineq, meeqqanik
pinerliisimanginnermik uppernarsaammi
paasissutissanik annertunerulersitsineq
kinguaassiuutitsigut pinerluuteqarsimaneq pillugu)**

§ 1

Meeqqanik pinerliisimanginnermut uppernarsaatinik piumasaqaateqartussaataaneq pillugu Inatsisartut inatsisaanni nr. 8, 19. maj 2010-meersumi, Inatsisartut inatsisaatigut nr. 7, 3. juni 2015-imi allanngortinneqartumi imatut allannguisoqarpoq:

1. § 1-imi, § 2, imm. 1-2-mi, § 3, imm. 1, aamma 4, “15-it inorlugit ukiulik” “18-it inorlugit ukiulik”-mut allanngortinneqarpoq.

2. § 2, imm. 2-mi oqaaseqatigiit aappaat ima oqaasertalerneqarput:

“Paasissutissat uppernarsaatitut ilusilerlugit ingerlateqqinneqassapput, tassaallutik Pinerluuteqarsimasunik Qitiusumik Nalunaarsuiffiup paasiniaasarnermik immikkoortuanit paasissutissat, aalajangiinnermut immikkoortumi allaqqasut allaqqanikuusunilluunniit, tassaallutillu pinerluttulerinermik inatsimmi § 77, imm. 1, nr. 3-mik, §§ 79-82-imi, aamma § 85-imik unioqutitsinerit aamma § 74-ip, § 77, imm. 1, nr. 1-ip aamma 2-p. § 77, imm. 2-p, § 78-ip, § 83, imm. 2-p aamma 84, imm. 1-ip unioqutitsinerit, meeqqamut 18-it inorlugit ukiulimmut iliuuserineqarsimasut.”

3. § 2-mi imm. 1-ip kingorna immikkoortutut nutaatut ilanngunneqassaaq:

“ Imm. 2. Imm. 1-imi eqqaaneqartumut uppernarsaammut aamma ilaapput ulloq 1. april 2019 sioqqullugu aalajangiinerit pillugit paasiniaasarnermik immikkoortortamiit paasissutissat, aalajangiinnermut

immikkoortumi allaqqasut allaqqanikuusunilluunniit, pinerluttulerinermilu inatsimmi §§ 79-81-imi, aamma tak. § 82 aamma § 85, kiisalu pinerluuteqarneq meeqqamut 18-it inorlugit ukiulimmut pisimappat pinerluttulerinermut inatsimmi § 74, §§ 77-78, tamatumani aamma tak. § 82 aamma pinerluttulerinermut inatsimmi § 83, imm. 2 aamma § 84 imm. 1.”

Tamatuma kingorna imm. 2-5 imm. 3-6-inngussapput.

4. § 2, imm. 3, immikkoortoq 4-nngorpoq, imatut oqaasertalerneqarluni:

“ Imm. 4. Uppernarsaat imm. 1-imi eqqaaneqartoq taamaasilluni ilaqarpoq paasisutissanik Pinerluuteqarsimasunut nalunaarsuiffimmi paasiniaasarnermut immikkoortortami pinerluuteqarsimanerup misissuiffigineqarsimaneraneersunik, pillaasarnermut inatsimmi § 216, imm. 2-mik, § 222, aamma § 223-meersunik, tamatumani aamma aalajangersakkat eqqaaneqartut tak. §§ 225 aamma § 235, kiisalu unioqqutitsinerit §§ 210 aamma 232-mik, pissutsit meeqqamut 18-it inorlugit ukiulimmut tunngasuusimappata. Uppernarsaammi ilanngullugit pineqarput paasisutissat pinerlussimanermik misissuisimanermeersut aalajangiinernut 1. juli 2013 sioqqullugu pisimasunut tunngatillugu, aalajangiinermi ilaasimasunut imaluunniit ilaasunut, aamma pillaasarnermut inatsimmi atuuttuusimasumi § 222, aamma tak. § 224 aamma § 225 aamma § 235, kiisalu §§ 210 aamma 232-mik unioqqutitsisimanernik, pissutsit pineqartut meeqqamut 18-it inorlugit ukiulimmut iliuuserineqarsimappata.“

5. § 2, imm. 4-mi oqaaseqatigiit siulliit allanngortinneqarput “imm. 1-3”-mit “imm.1-4-nngorlugit”.

6. § 3, imm. 2 imatut oqaasertalerneqassaaq:

“ Imm. 2. Aammattaaq peqatigiiffiit, suliffeqarfiit il.il. uku meeqqanik pinerliisimannginermut uppersaatinik pissarsiniarnissamut pisussaaffeqarput, tak. § 2 inunnet peqatigiiffimmut, suliffeqarfimmut il.il. sungiusaasutut, ilitersuisutut, iligiinnut aqutsisutut, aqutsisutut atassuteqartut, bussinik ingerlatsisartut, taxanik ingerlatsisartut, timmisartumi saqisut umiarsuarnilu ilaasartaatini inuttat, ikiortit, ilinniartitsisut, tassunga ilanngullugit assistentit, taartaasut ilinniartullu suliffimmik misiliisut:

- 1) Timersoqatigiiffiit, Kalaallit Nunaanni Timersoqatigiiffiit Kattuffiannut ilaasortaasut.
- 2) Timigissartarfiit.
- 3) Nipilersornermik qitinnermillu ilinniarfiit.
- 4) Spejderit.
- 5) Bussimik ingerlatsisarfiit, meeqqanik 18-it inorlugit ukiulinnik allanik ilaqaratik angallassisartut, allanut ammasuunngitsunik atuarfiit, ingerlatsiviit allallu isumaqatigiissuteqarfialugit angallassisartut.
- 6) Taxanik ingerlatsisarfiit allanut ammasuunngitsunik taxanik angallassisartut meeqqanik 18-it inorlugit ukiulinnik allanik ilaqanngitsunik angallassisartut.
- 7) Timmisartortitseqatigiiffiit angalanerup nalaani meeqqanik 18-it inorlugit ukiulinnik allanik ilaqaratik angalasunik ilitersuineramik neqerooruteqartut.
- 8) Umiarsuaatileqatigiiffiit inunnet ilaasartaatit angalanerup nalaani meeqqanik 18-it inorlugit ukiulinnik allanik ilaqaratik angalasunik ilitersuineramik neqerooruteqartut.”

§ 2

Inatsisartut inatsisaat atortuulissaaq Naalackersuisut tamanna pillugu nalunaarummik suliaqarnerisigut, atortuussallunilu atorfeqarnermut suliffeqarnermullu atatillugu isumaqatigiissutaasunut, imaluunniit paarsisuunermik aqqissuussinernut nalunaarutip atortuulerneraniit atuuttunut, taamaattoq tak. imm. 2 aamma 3.

Imm. 2. Paarsisuunermik aqqissuussinerit Inatsisartut inatsisaata atortuulernera sioqqullugu pilersinneqarsimasut § 1, nr .1 tunngavigalugu atortuussapput inunnut inoqutigiinni ilaalersimasunnut Inatsisartut inatsisaata atortuulersinneqarneraniit.

Imm. 3. Suliffeqarfiit, meeqqanik allanik ilaqaratik angalasunik angallassisut, tak. § 3, imm. 2, nr. 5-8 atortuulersitsinerup kingornagut Inatsisartut inatsisaanni aalajangersakkat naapertorlugit meeqqanik 18-it inorlugit ukiulinnik angallassisut ilanngunneqassapput.

Namminersorlutik Oqartussat, ulloq 25. novembari 2022

Múte Bourup Egede
Naalackersuisut Siulittaasuat

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalackersuisut